

Ommaviy Oferta (shartnoma tuzish haqida taklif)

Toshkent shahar

3/11/2025

MChJ «Sovchi.app» Nikoh vakilligi nomidan Nizom asosida ish ko'ruvchi, keyinchalik "VAKILLIK" deb yuritiluvchi direktor _____ bir tomondan, keyinchalik «MIJOZ» deb yuritiluvchi fuqaro _____ ikkinchi tomondan, mazkur Shartnomani quyidagilar to'g'risida tuzdilar:

Shartnoma mavzusi: Sovchi.app – musulmon qadriyatlariga asoslangan, jiddiy va uzoq muddatli nikohni maqsad qilgan shaxslarni bog'lovchi raqamli platformadir. Vakillik mijozlarga e'tiqod, hurmat va mas'uliyat tamoyillari asosida tanishish imkonini beradi. Sovchi.app profili yaratish orqali siz ushbu hujjatda keltirilgan barcha shartlarga rozilik bildirgan hisoblanasiz. **Iltilmos, foydalanishdan oldin ushbu shartlarni diqqat bilan o'qib chiqing.**

1. Kirish

Mazkur Oferta Sovchi.app platformasi — zamonaviy sovchilik tizimi bo'lib, mijozlarga o'z madaniyatimizga mos tarzda jiddiy munosabat va oila qurish niyatidagi insonlarni topishda yordam beradi. Oferta shartlari huquqiy shartnoma bo'lib, taraflar: vakillik va mijoz. Sovchi.app platformasi keyingi o'rinlarda Vakillik, deb ataladi.

2. Ta'riflar

- **Vakillik:** Sovchi.app mobil va veb ilova, shuningdek, unga tegishli barcha xizmatlarni anglatadi.
- **Mijoz:** Ilovaga kirib, Vakillikning xizmatlaridan foydalanuvchi jismoniy shaxs.
- **Profil:** Ilovada ro'yxatdan o'tish vaqtida Mijoz tomonidan yaratilgan va unga kirish, muloqot qilish va ma'lumotlarini o'zgartirish uchun imkon beradigan shaxsiy kabinet.
- **Ma'lumotlar:** Mijoz tomonidan Ilovaga kiritiladigan shaxsiy ma'lumotlar, shu jumladan fotosurat, audio, video, grafika, profil ma'lumotlari, aloqa ma'lumotlari va boshqa ma'lumot hamda kontent turlari (pasport (asli va nusxasi), sog'liq (psixonevrologik va narkologik ma'lumotnoma), sudlanganlik haqida ma'lumotnoma, nikoh holatini tasdiqlovchi hujjat (nikohdan ajralganlik haqida guvohnoma), ikki yaxshi sifatli rasm (10×15) va hokazo).

3. Ofertaga rozilik bildirish

Ilovaga kirish yoki vakillik xizmatlaridan foydalanish bilan mijoz ofertaga to'liq rozilik bildirganini tasdiqlaydi. Agar mijoz oferta shartlariga rozi bo'lmasa, unda Ilovaga kirish yoki vakillik xizmatlardan foydalanishdan voz kechishi kerak.

Xizmat faqat voyaga yetgan va to'liq muomalaga layoqatli 25-50 yosh oralig'idagi mijozlar uchun mo'ljallangan. Har bir mijoz ro'yxatdan o'tishda to'g'ri, yangilangan va haqiqiy ma'lumot berishi shart.

Vakillikdan foydalanishning asosiy maqsadi — halol va qonuniy nikoh niyatidagi tanishuvdir. Shu sababli, har qanday nojo'ya yoki diniy qadriyatlarga zid faoliyat qat'iyon man etiladi.

4. Mijoz nomi va parol

Mijoz o'z Profiliga kirish uchun ma'lumotlarini (mijoz nomi va parol; pin-kod) maxfiy saqlashni o'z zimmasiga oladi. Mijoz o'z profiliga kirish uchun ma'lumotlaridan noto'g'ri foydalanilgani yoki uchinchi shaxslarga ma'lum qilgani uchun javobgardir.

5. Maxfiylik

5.1. Maxfiylik sharti

Mijoz vakillikka taqdim etiladigan Kontentlardan foydalanishda maxfiylik va shaxsga doir ma'lumotlar to'g'risiga qonunchilik(Shaxsiy hayot daxlsizligi saqlash, Shaxsning sha'nini va qadr-qimmatini kamsituvchi hamda inson hayotining sir tutiladigan tomonlarini aks ettiruvchi ma'lumotlarni oshkor etmasligi, Xat-yozishmalar, telefonda so'zlashuv, telegraf xabarlar yoki boshqa xabarlarning sir saqlanishi tartibi) normalariga qat'iy rioya etgan holda har bir mijoz quyidagi qadriyatlarga rioya qilishi shart:

- hurmat va poklik;
- halollik va mas'uliyat;
- nojo'ya so'z, rasm yoki xatti-harakatlardan tiyilish;
- mijozlar ma'lumotlarini ruxsatsiz tarqatmaslik.

Vakillik musulmon qadriyatlariga zid, haqoratli yoki odobsiz kontentlarni qat'iyon taqiqlaydi. Bunday holatlarda Vakillik mijozning kirish huquqini cheklashi yoki profilni o'chirishi mumkin.

5.2. Maxfiylik qoidalar

Vakillik mijozlarning maxfiyligini hurmat qiladi va ularning ma'lumotlarini uchinchi shaxslarga ruxsatsiz bermaydi. Mijoz vakillikdan foydalanayotganda o'zi haqidagi axborotlarni o'z xohishi bilan uchinchi shaxsga berishi mumkin. Ushbu axborotdan hamma foydalanishi mumkin bo'lib, o'z navbatida mijozning bunday xatti-harakatlari uchun vakillik hech qanday mas'ul emas.

Platforma ma'lumotlarni faqat texnik xizmat ko'rsatish yoki huquqiy talablar doirasida ishlatadi.

Mijoz o'z profilini, undagi ma'lumotlarni istalgan vaqtda o'zgartirishi va o'chirishi mumkin. Biroq, ilgari yuborilgan ma'lumotlar texnik sabablarga ko'ra tizimda cheklangan muddat davomida saqlanishi mumkin.

Xizmat ilovasida shaxsiy ma'lumotlarni yig'ish, saqlash va qayta ishlash jarayoni O'zbekiston Respublikasi qonunlariga hamda xalqaro maxfiylik standartlariga muvofiq amalga oshiriladi.

6. Huquqlar va majburiyatlar

6.1. Vakil(Ilova)ning huquqlari va majburiyatlari:

- Sifatli va ishonchli xizmatni taqdim etish;
- Mijozlarning shaxsiy ma'lumotlarini maxfiy saqlash;
- Ilovada noqonuniy va nojo'ya ma'lumotlarning tarqalishini oldini olish;
- Shubhali hollarda shaxsni tekshirish va qo'shimcha hujjat talab qilish (keng tekshiruv, sog'liq va jinoyat tarixini aniqlash);
- Talab etilgan hujjatlar haqqoniy va to'liq taqdim etilmaganda, xizmat ko'rsatishni rad etish;
- Xizmatda muammolar bo'lgan taqdirda, ularni bartaraf etish uchun zarur choralarni ko'rish.

Mijozlar xavfsizligi va muloqot sifatini yaxshilash maqsadida Mijozlar o'rtasidagi muloqot va yozishmalar tizim xodimlari tomonidan o'qilishi mumkin. Vakillikning dasturiy ta'minotida xato bo'lmasligini va uzluksiz ishlashini Sovchi.app kafolatlamaydi.

6.2. Mijozlarning huquqlari va majburiyatlari:

- Sifatli va ishonchli xizmatdan foydalanish;
- Ilovada haqqoniy o'z profilini yaratish;
- Kontent joylashtirish;
- Tizimdan foydalanish uchun Vakillikdan ma'lumot olish;
- Ilovadan foydalanish davomida aniqlangan shaxsga, uning hayotiga doir ma'lumotlarni maxfiyligi va ularni sir tutilishini ta'minlash;
- Vakillikni ijtimoiy tarmoqlar orqali asossiz ayblash, noto'g'ri ma'lumotlar tarqatmaslik majburiyati yuklatiladi.

7. Javobgarlik

Vakillik mijozlar tomonidan Ilovada taqdim etiladigan ma'lumot uchun javobgar emas. Mijozlarni xulqi, harakatlari yuzasidan javobgar emas. Shuningdek, vakillikdan foydalanganlik tufayli mijozlarni harakterlariga mos juftlarni topishni yoki kelajakda baxtli bo'lishlarini kafolatlamaydi.

Ilova mijozning shaxsiy ma'lumoti bo'lgan aloqa ma'lumotlarini (telefon raqami, pochta manzili, yashash manzili, telegram profili va boshqa turdagi aloqani ta'minlaydigan ma'lumotni) boshqa Mijozlar yoki har qanday uchinchi shaxslarga bermaydi va tarqatmaydi. Mijoz o'zining xohishi bilan ushbu ma'lumotlarni boshqa mijozlarga taqdim etishi mumkin va buning uchun faqat o'zi javobgar bo'ladi.

8. Xavsizlik shartlari

Vakillik ilovasidan foydalanishda har bir mijoz jinoyat yoki axloqiy buzilish bilan bog'liq tarixga ega emasligini tasdiqlaydi. Platforma mijozlar xavfsizligi va jamiyat ishonchini ta'minlash maqsadida, zarur hollarda, profilni tekshirish choralarini ko'rishi mumkin.

Agar mijoz tomonidan jiddiy qonunbuzarliklar aniqlansa, vakillik bunday mijozni ogohlantirmasdan tizimdan chiqarish huquqiga ega.

9. Alohida shartlar

9.1. Profilga quyidagi ommaviy axborotlarning joylashtirilishi taqiqlanadi:

- O'zbekiston Respublikasi qonunlarini, xalqaro huquqiy me'yorlarini buzadigan;
- Reklama mazmunidagi axborotlar, spam, "piramida" sxemalari mazmunidagi;
- Pornografik, noqonuniy, zararli, tahdidli, haqoratlovchi, tuxmatli, mualliflik huquqini buzadigan, nafratlantiruvchi va yoki odamlarni irqiy, jinsiy, ijtimoiy belgilarini kamsitadigan fikr-mulohazalar, yoki, rasmlar;
- Mijozlarga yoki boshqa shaxslarga tegishli bo'lgan internet saytlardagi sahifalarga egasining ruxsatisiz ishora qilish yoki dalil qilib ko'rsatish;
- Shaxsiy muloqot ma'lumotlari egasining ruxsatisiz ko'rsatish(telefon raqamlari, ijtimoiy tarmoq akkauntlari);
- Uchinchi shaxslar huquqini buzadigan materiallar.

Mijoz tomonidan profilga kiritilgan taqiqlangan ma'lumotlar uchun mijozlar javobgar bo'ladi. Qoidalarni buzadigan ommaviy xabarni istalgan vaqtda Vakillik olib tashlash huquqiga ega.

9.2. Mijoz tomonidan uchinchi shaxsga va ilovaga taqdim etilgan axborot quyidagilardan xoli bo'lishini shart:

- Tovlamachilikka, aldashga yoki ishonchni suiiste'mol qilishga yordam bermaydigan bo'lishi;
- Uchinchi shaxsning mol-mulkiga, uning tijorat sirlariga yoki shaxsiy hayoti daxlsizligi huquqlariga tajovuz qilmaydigan;
- Jinoyat qilishga da'vat etish hamda millatlararo ixtiloflar keltirib chiqarishga undash;
- Birovning sha'nini haqoratlaydigan, qadr-qimmatini tahqirlovchi mazmunidagi ma'lumotlarni to'plash, obro'sini to'kish, tuhmat qilish, tahdid qilish;
- Xulqqa zid, pornografiya, shahvoniy xususiyatdagi materiallar;
- Zarar keltirishga yo'naltirilgan kompyuter dasturlaridan foydalanish, zarar keltirish, vakolatsiz kirishlar, yashirin ravishda tutib olish yoki ma'lumotlarni o'zlashtirish;
- Reklama mazmunidagi materiallar;
- O'zbekiston Respublikasining amaldagi qonunlariga mos kelmaydigan axborotlar.

Boshqa shaxslarning rasmlaridan foydalanish taqiqlanadi.

9.3. Xavfsizlik, kontent uchun javobgarlik va qoidabuzarliklarni xabar berish

Har bir mijoz o'z profilidagi kontent uchun shaxsan javobgar hisoblanadi. Platforma orqali tarqatilgan ma'lumotlar, rasmlar yoki yozuvlar mijozning shaxsiy mas'uliyati ostida bo'ladi.

Agar siz Ilovada huquqbuzarlik, noto'g'ri xabar, tahdid yoki nomaqbul kontentni ko'rsangiz, ilova ichidagi "Xabar berish" funksiyasi orqali Vakillikka ma'lumot yuborishingiz mumkin.

Vakillik bunday xabarlarni diqqat bilan ko'rib chiqadi va zarur choralarni ko'radi.

10. To'lov

10.1 To'lov tartibi

Vakillik asosiy funksiyalari bepul taqdim etiladi.

Biroq, qo'shimcha premium funksiyalar uchun to'lovlar mavjud bo'lishi mumkin (masalan, profilni ilgari surish, cheklanmagan "like"lar, ko'proq ko'rish imkoniyatlari).

To'lovlar:

- Kredit/debit karta
- Click, Payme yoki UzumPay kabi mahalliy to'lov tizimlari orqali amalga oshiriladi.

To'lovlar aniq kelib tushganligi tasdiqlangandan so'ng xizmat ko'rsatish boshlanadi.

Bajarilgan to'lovlar qaytarilmaydi, hatto mijoz shartnoma bekor qilingan holatlar ham nazarda tutilmoqda.

10.2. Ko'rsatilgan xizmatlar uchun to'lovlar:

a) birinchi konsultatsiya narxi

b)

11. Xizmat ko'rsatish doirasi va shartnomani muddati

11.1. Xizmat ko'rsatish hududi

Dunyo miqyosida xizmat ko'rsatiladi.

11.2. Shartnomani muddati

Shartnoma VAKILLIK xizmatlari MIJOZ tomonidan rozilik bildirgan paytdan kuchga kiradi va preyskurantda belgilangan muddat davomida amal qiladi. Shartnoma 2(ikki) nusxada tuziladi.

12. Mijozni vaqtincha yoki butunlay xizmatdan foydalanishini cheklash

Vakillik mijozlarni nomaqbul so'z, huquqqa zid xatti-harakatlari, soxta profil yaratish, fuqarolarning tengligi buzish, shahvoniy hamda axloqqa zid xulq va boshqa ilova qoidalarini buzganda ularni darajasida kelib chiqib, profilni vaqtincha cheklashi yoki butunlay bekor qilishi mumkin. Cheklangan mijozga elektron xabarnoma yuboriladi va uni ustidan shikoyat kiritish imkoniyati beriladi.

13. Xizmat ko'rsatishni to'xtatish

Vakillik faoliyatini har qanday vaqtda to'xtatish huquqiga ega.

Vakillik mijozlarni faoliyatni to'xtatish haqida xabardor qilishga harakat qiladi, ammo bu borada kafolat bermaydi.

14. Fors-major holatlari

Vakillik o'z nazoratidan tashqaridagi holatlar (masalan, favqulodda vaziyatlar, tabiiy ofatlar, urush, texnik nosozlik, hukumat cheklovlari) tufayli xizmatlar vaqtincha to'xtatilsa, javobgar hisoblanmaydi. Bunday vaziyatlarda ilova imkon qadar tez tiklanishi uchun barcha choralarni ko'radi.

15. Ofertani o'zgartirish va kuchga kirishi

Vakillik oferta shartnomasini istalgan vaqtda yangilash va o'zgartirish huquqiga ega. Ofertaning yangi tahriri ilovada e'lon qilinadi va mijozlar ilovaga kirish yoki

uning xizmatlaridan foydalanish bilan ofertaning ushbu yangi tahririga to'liq rozilik bildirganini tasdiqlaydi.

Qoidalarga kiritilgan o'zgartirishlar Sovchi.app ilovalarida e'lon qilingan vaqtdan boshlab kuchga kiradi.

16. Nizolarni hal qilish

Vakillik va mijoz o'rtasidagi oferta shartlari bilan bog'liq munosabatlardan kelib chiqadigan nizolar o'zaro muzokaralar o'tkazish hamda yozma taklif va e'tiroz(shikoyat) bildirish yo'li bilan tartibga solinadi. O'zaro kelishuvga erishilmagan taqdirda O'zbekiston Respublikasi qonunchiligiga muvofiq hal etiladi.

17. Aloqa

Agar sizda ushbu shartlar bo'yicha savollar yoki murojaatlar bo'lsa, biz bilan bog'laning:

Sovchi.app Support Team

Email: support@ailafy.com

Veb-sayt: www.sovchi.app

Manzil: Toshkent shahri, O'zbekiston

Yangilangan sana: 27.02.2026

Sovchi.app ushbu hujjatni zaruratga qarab yangilab boradi. Mijozlar o'zgarishlar haqida xabardor qilinadi.